



A cunseglis da scola, direcziuns da scola e persungas d'instrucziun

Info 2014/15
Nr. 2

Directivas concernent l'exclusiun e la relascheda anticipada: avs.gr.ch

Per sclareir igl ager pertutgond l'exclusiun e la relascheda anticipada da la scola per mangs da las persungas d'instrucziun e da las direcziuns da scola ò igl uffezi da scola e sport relascha *directivas concernent l'exclusiun e la relascheda anticipada da la scola*. Chellas catter ansemen cun en screiver accumpagnond sen la pagina web digl uffezi.

Aveis da la practica per la promoziun integrativa: www.avs.gr.ch

Igl inspecturat da scola ò an collavuraziun cun las scolas baratto experientschas tar la transposiziun da la promoziun integrativa sen basa d'ena analisa SWOT. Las ancunaschientschas ordlonder èn neidas consolidadas agl rom da 10 occurrenzas linguistic-regionalas an en *aveis or da la practica per la promoziun integrativa*. Chest aveis è in ageid d'orientaziun sen igl scalem direcziun e duess esser en sustign an igl process da la transfurmaziun da la promoziun integrativa. Igl aveis amplifitgeschan palpieris existents, el ò però nign character directiv. Vous pudez telecargar tal digl web digl uffezi.

Deis da sport da scola: www.avs.gr.ch

Igls termins actulas digls *deis da sport da scola cantunals* cun infurmaziuns detagledas e cun la pussebladad da s'annunztgier online scu er ulteriouras indicaziuns tar oters deis da sport catter sen la pagina web tgi vign actualisada permanentamaintg.

Purscheidas FSI SAPGR: www.phgr.ch/Holkurse

La purscheida 'furmaziun supplementara interna' (FSI) da la SAPGR sustinga teams da scola an igl svilup da l'instrucziun e da la scola. Las purscheidas cumpeglian igls sectours instrucziun, integraziun e collavuraziun scu er la relaziun cun singularitads digl cumportamaint. A las scolas vign er purschia moduls da persistenza tar curs da FSI realisos. Sclarimaints pi detagleas dat sign. Men Gustin, collavuratour scientific, men.gustin@phgr.ch, tel. 081 354 03 35.

Scolaziun scu manadra u manader da practicum: www.phsg.ch

La Scola ota da pedagogia S.Giagl organischescha per persungas d'instrucziun interessadas digl scalem superior cun ena experientscha d'instrucziun d'aglmanc treis onns ena scolaziun scu manadra u manader da practicum. La scolaziun sa reparta sur igl antier onn 2015 e cozza catter deis a mez. Sen *la pagina web PHSG* catter igl program detaglea scu er igls formulars e las modalitads d'annunztga. Lò è er dascretg igl proceder per participant/as digl Grischun. Davos termin d'annunztga è igls 13 da december 2014.

Annunztga pigls examens d'admissiun per las differentas partiziuns digl gimnasi: www.zap.gr.ch

Igl examen d'admissiun per l'amprema classa digl gimnasi ò li igls 10 da favrer 2015. Digls 6 d'otgover anfignan igls 15 da december 2014 ins po s'annunztgier pigl examen an l'amprema classa digl gimnasi sur la pagina [web](#) digl uffezi per la furmaziun media-superioura.

Igl examen an la terza classa digl gimnasi, respectiv an l'amprema classa da la scola media spezialisada (SMS) ni scola media commerciala (SMC) ò li igls 17 da mars 2015. Per chels examens è l'annunztga electronica pussebla digls 3 da november 2014 anfignen igls 12 da schaner 2015. Annunztgas retardadas vignan betg acceptadas. Ulteriouras infurmaziuns ed indicaziuns tigl examens sa cattan sen la pagina web www.mittelschulen.gr.ch.

Sclarimaints pi detagleas dat donna Regina Just Brodbeck, manadra partiziun scolas medias / manadra da la grupp directiva examens d'admissiun cantunals, regina.just@ahb.gr.ch, tel. 081 257 61 69.

Congress da barat "Rendezvous 2014" an igl Jura

Igl congress da barat 'rendezvous 2014' digls 20 anfignan 21 da november 2014 focusescha la tematica "la richesse par la diversité". El vala scu li d'antuppada per magistraglia interessada da tot igls scalems, direcziuns da scola, persungas digl rom scu er gliout interessada per la scolaziun. Ulteriouras infurmaziuns dattigl sot <http://www.ch-go.ch/ueber-go/veranstaltungen>.

Amicabels saleids, Andrea Caviezel, manader inspecturat cantunal

Part regionala district Plessur – Grischun central

Visetas d'instrucziun digl inspecturat igl onn da scola 2014/15

Igl inspecturat districtual visitescha igl onn da scola actual sper las novas persungas d'instrucziun surtot er chels roms/chellas classas, noua tgi vign instrua cun nov meds d'instrucziun. An igl discurs cun las persungas d'instrucziun lagn nous cun ageid da las objecziuns survagneir en invista an la practica. Pertutgias èn an amprega lengia las classas/igls roms: engles e taliang an l'amprema classa digl scalem superiour, matematica an la carta classa primara, matematica ed etica an la terza classa scalem superiour.

Er chest onn èn neidas concedeidas diversas lubientschas d'instrucziun. ScolastaAs cun ena lubientscha speziala vignan mademamamintg visitadas digl inspecturat.

Otgover 2014

per igl team districtual



Pauli Dosch, manader